

28. april 2010

UPA 2010/89

**Eqqissimatitsisarneq aamma allatigut kulturikkut eriagisassanik kulturikkut
kingornussatut illersuineq pillugu Inatsisartut inatsisissaattut siunnersuut**

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliap**

ISUMALIUTISSIISSUTAA

Siunnersuutip aappassaaneernejarnissaanut saqqummiunneqartoq

Kultureqarnermut, Ilageeqarnermut, Ilisimatusarnermut Ilageeqarnermullu
ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq, Debora Kleist
Inatsisartunut ilaasortaq, Harald Bianco
Inatsisartunut ilaasortaq, Andreas Uldum
Inatsisartunut ilaasortaq, Malik Berthelsen
Inatsisartunut ilaasortaq, Knud Kristiansen

Kultureqarnermut-, Ilinniartitaanermut-, Ilisimatusarnermut Ilageeqarnermullu
ataatsimiititaliaq siunnersuummik siullermeerinninneq tunngavigalugu siunnersuut
manna misissorpaa.

Siunnersuutip imarisaa

Naalackersuisut siunnersuuteqarnermikkut kissaatigaat inuiaqatigiinnut pingaarutillit
ineriartortinneqarnissaat pingaartinneqarpat eqqissimatitassanngortitsinissamik
eqqarsaataasut politikikkut suliarineqarsinnaanissaata periarfissinneqarnissaat.
Peqatigitillugu ilanngullugit kulturikkut kingornussanit paasissutissanik
uppersaatissanillu katersinissamik suliniutinik aallartitsinissamut iluaqutaasussat
siunnersuummi anguniarneqarput inatsimmut tunngaviusut sapinngisamik
annertunerpaamik eqqarsaatigalugit.

Siunnersuutip Inatsisartuni siullermeerneqarnera

Siunnersuut partiinit tamanit tapersorneqarpoq.

Illuatungeriit soqutigisaasa siunnersuummi nalimmassarniarneqarnerat immikkut sammineqangaatsiarpoq. Illuatungaaitigut kulturikkut kingornussassat qulakkeerneqarnissaat eqqarsaatigineqassaaq, kiisalu illuatungaani Kalaallit Nunaanni inuussutissarsiornerup annertunerusumik ineriartortinneqarnissaa periarfissinneqassalluni.

Killissarititaasunik Naalakkersuisut qaqugukkut eqqissisimatitsinermik qaangiataariinnartassanersut imaluunniit eqqissisimatitsinermik pioreersumik atorunnaarsitsisassanersut pingaaruteqarmat Inuit Ataqtigiit ersarissarpaat. Tamatuma saniatigut eqqissisimatitsinerit taamatut atorunnaarsinneqarneranni qaangiataarneqarneranniluunniit Inatsisartut akuliutsinneqarsinnaanerit eqqarsaatigineqartariaqartoq Inuit Ataqtigiit isumaqarput.

Kulturikkut eriaqisassanik eqqartorneqartunik soorlu assersuutigalugu inuussutissarsiutitigut pilersaarut eqqissisimatitsinermiit pingaartinneqarnerugaangat Nunatta katersugaasiviata Allagaateqarfiatalu paasissutissanik katersinissaminut piffissalernerneqarnissaa qulakkeerneqarnissaa Siumumiit pingaartinneqarpoq.

Immikkorluinnaq pisoqartillugu eqqissisimatitsinermik imaluunniit kulturikkut kingornussassatut illersugassanngortitsinissamik Naalakkersuisut qaangiataariinnarsinnaanissaat Demokraatiniit pitsasutut isigineqarpoq taamaattorli partiit allat isumaannut isumaqataalluni tassalu aatsaat pisinnaassasoq inuiaqatigiinni ineriartornerup piumasarissappagu eqqarsaatigineqartariaqartoq.

Kulturikkut kingornussassanik illersuinissamik aammalu inuussutissarsiutitigut ineriartortitsinissamik periarfissiisussaammat siunnersuut aqputigalugu oqimaqatigiinnerusumik inatsisiliortoqarsinnaanera Atassummiit naammagisimaarneqarpoq.

Ataatsimiititaliap siunnersummik suliarinninnera

Tusarniaaneq

Siunnersuut tusarniaasutigineqarpoq ulluni 27. januar 2010-imiit 24. februar 2010-imut (KANUKOKA-p tusarniarneqarnera sivitsorneqarpoq ulloq 26. februar-imut). Siunnersuummut oqaaseqaatit attuumassuteqartut Naalakkersuisuniit ilanngunneqarsimanerat Ataatsimiititaliap maluginiarpaa. Nunatta katersugaasiviata Allagaateqarfiatalu katersugaasiviup sulineranut piffissatigut sinaakkusiussat pillugit kissaatai Naalakkersuisuniit akuersaarneqarsimanerat Ataatsimiititaliap maluginiarpaa. Tusarniaaneq pillugu Ataatsimiititaliaq annertunerusumik oqaaseqaatissaqanngilaq.

Kulturikkut kingornussassat allat illersugaanerat

Eqqissimatitsinerit pillugit aalajangiisinnaassuseqarneq soorlu siunnersuummi aamma inatsisartut inatsisaanni atuuttumi Nunatta Katersugaasivianut Allagaateqarfianullu inissineqarsimasoq Ataatsimiititaliap maluginiarpaa. Kulturikkut kingornussassanik allanik oqaluttuarisaanermiittunik eqqissimatitsineq allatut ittoq siunnersuut aqutigalugu periarfissaqalerpoq. Tamatumunnga aalajangiisinaanermut oqartussaaffiup aammattaaq Nunatta Katersugaasivianut Allagaateqarfianullu inissiniarneqalernera taamaalilluni susasaqarfimmi ilisimasaqassuseq tunngavigalugu aalajangiisoqarsinnaanera qulakkerniarneqarmat Ataatsimiititaliap iluarisimaarlugu paasivaa.

Eqqissimatitsinermik imaluunniit kulturikkut kingornussassat allat illersugaaneramik qaangiataarinnineq atorunnaarsitsinerluunniit

Immikkut ittumik pisoqartillugu kiisalu inuiaqatigiit ineriartornerannut tunngavissalimmik innersuussisoqartillugu, Naalakkersuisunut eqqissimatitsinissamik imaluunniit kulturikkut kingornussassanik allanik qaangiataarinninnissamut imaluunniit eqqissimatitsinermik atuuttumik imaluunniit kulturikkut kingornussassanik allani allannguiniartoqartillugu imaluunniit atorunnaarsitsiniartoqartillugu siunnersuut periarfissiivoq. Siunnersuummi § 3-imi tamanna takuneqarsinnaavoq.

Naalakkersuisut qaangiataarinninnissamik imaluunniit eqqissimatitsinissaq pillugu qaqugukkut toqqaasinnaanerat § 3-imut oqaaseqaatini ersarissaneqartoq Ataatsimiititaliq isumaqarpoq. Kulturikkut kingornussassanik kiisalu inuiaqatigiit ineriartornerannut mianerinninnissami soqutigisallit akerleriissinnaanerat siunnersuummi oqimaaqatigiisarneqarmat siunnersuutip anguniagaanut atatinneqarmat Ataatsimiititaliaq isumaqarpoq. Kulturikkut kingornussassat qangarnitsanit eriagisassanit inuiaqatigiit soqutigisaat allat pingaartinneqarneruppata kulturikkut kingornussassat uppersarneqarnissaat pisariaqartoq aammattaaq siunnersuummi qulakkeerneqarpoq.

Eqqissimatitsinernik qaangiataarinninnernik imaluunniit atorunnaarsitsinermi suliaasani tigussaasuni Inatsisartut akulerutsinneqartarnissaannik kissaateqarneq taamaalilluni suliaasat taamaattut Inatsisartunit isummerfigineqartalernissaannut utaqqimaartarnissaq pissusissamisunngitsutut Ataatsimiititaliamit isumaqarfigineqarpoq. Sammisami tassani soorlu aamma sammisani allani taamaattoq inatsisitigut sinaakkusiussat iluini soorlu siunnersuummi oqaatigineqartutuut Inatsisartut Naalakkersuisunut pisinnaatitsissummik tunniussisinnaapput. Naalakkersuisut aalajangiussaasat periarfissatut kingullertut eqqartuussivinnut ingerlatinneqarsinnaapput.

Pingajussaaneerinninnissamut allannguutissatut siunnersuut

Siullermeerinninnerup kingornatigut siunnersuut arlalitsigut ajornartorsiutitaqartoq allannguutissatullu siunnersuummik saqummiussaqaarnissamik pisariaqartitsisoq Naalakkersuisut paasivaat.

Qanganisarsiornikkut misissuisoqarnissaata ingerlanneqarnissaanut piffissarititaasoq:

Siunnersuummi § 12 naapertorlugu qanganisarsiornikkut misissuineq sioqqullugu qanganisarsiornikkut naliliisoqarsimatillugu pissutsit § 13, imm. 3, oqaaseqatigiit aappaanni pineqarput.

Qanganisarsiornikkulli misissuineq sioqqullugu qanganisarsiornikkut naliliineq **ingerlanneqarsimatinnagu** imm. 3-imi oqaaseqatigiit pingajuat tassunga tunngassuteqarpoq. Siunnersuutigineqarpoq imm. 3 tassungaannaq tunngassuteqassasoq, sioqqutsisumilli qanganisarsiornikkut misissuinerit immikkoortoq 4-imek ilanngussisoqarneratigut malittarisassaqaartinneqarnissaat siunnersuutigineqarpoq.

Qanganisarsiornikkut misissuisoqarnissaata ingerlanneqarnissaanut piffissaliussaq piffissamit misissuisoqarnissaanik kissaateqarfiusumit taamatullu aamma piffissamit qanganisarsiornikkut misissuisoqarnissaanik aalajangiiffiusumit naatsorsorneqartassasoq taamaliornikkut erseqqissarneqassaaq. Taamaalilluni § 12, imm. 3-imi qanganisarsiornikkut misissuinerit pillugit malittarisassanut assingusut naapertuuttunngortitsisoqassaaq.

§ 32, stk. 1 pillugu (pineqaatissiisutit pillugit aalajangersakkat):

§ 32, imm. 1-imi pineqaatissiisarnermut aalajangersakkani § 7, imm. 4-imi aalajangersakkamut innersuussisoqanngilaq, taamaattumillu aalajangersakkamik tassanga unioqquutisisoq akiligassillugu pineqaatissinneqarsinnaassanani. Tamanna pissusissamisunngilaq. Allannguutissatut siunnersuut taamaalilluni pineqaatissiinissamut periarfissiisaaq, taamaattumillu § 7, imm. 4-imi aalajangersakkap unioqquutinneqarnera, § 19, imm. 3-imi kiisalu § 25, imm. 3-imi siunnersuummi aalajangersakkanut taakkununga assingusumik pineqaatissiisoqarsinnaalissalluni.

Siunnersuutip kalaallisua pillugu:

Siunnersuutip kalaallisoortaani naqinnerit arlalissuit kukkunillit kiisalu oqaaseqatigiit pissusissamisunnginnerat paasineqarpoq. Qulaani taaneqartut pillugit allannguutissatut siunnersuutip saqqummiunneqarneranut atatillugu taakku aaqqinneqartariaqarput.

Qulaani pissutsit aaqqinneqartariaqarnerat Ataatsimiititaliamit isumaqatigineqarpoq Naalackersuisullu allannguutissatut siunnersuummik pingajussaarinneq pitinnagu saqqummiussilersaernerat Ataatsimiititaliap iluarisimaarlugu paasivaa.

Inassuteqaat

Ataatsimiititaliap **isumaqatigiittup** siunnersuutip Naalackersuisut allannguutissatut siunnersuutiginiagat ilanngullugu **akuersissutigineqassasoq** inassutigaa.

Ataatsimiititaliap taama oqaaseqaateqarluni siunnersuut Inatsisartunut
aappasaaniigassanngortippaa.

Harald Bianco

Debora Kleist

Andreas Uldum

Malik Berthelsen

Knud Kristiansen